

# Колхозин селәнә

## Ө С Л Т

Урднь, шавр наагъад кесн бичкн-бичкн харнъгъу хар гермұдтә Садовое, ода хәләхнъ баахн тним балгъсншнъ болдж медгднә. Уухнас ъндр толгъа деер гарад хәләхнъ, кѡкрсн моддин дунл, хошагъад давхр чолун, неджәгъад давхр модн гермұд куўнә нұд байрлулна.

Алдр Ленинә нертә ут уульнцар йовхнъ, хойр хаджугъарнъ тәрси бичкн-бичкн моддуд шовалддж, хамтхасарн салькна аюл дахдж геклдәд, шин гермұдин иргәр йовх куўнд махлагъан авч мендлсн болцхана.

Шин-шин модн, чолун гермұд йир элвгдән, альдаран хәләвчн ұзгднә. Тним болл уга бәәшго, юнъгад гихлә, ганцхн эн джил государственн ссуд авад 52 колхозникуд эврәннъ гер бәрдж авб.

Кировин нертә уульнцар силикатн чолугъар тосхсн айтә гидг гер бәәнә. Эн болхла колхозин адуч Колганов Петр Григорьевичин бәрси гер. Иим гер ах хѡѡч Никитенко Иван Климович бийдән бас бәрв. Саловск МТС-н тракторн бригадин бригадир Выстропова Степанида, колхозин ОТФ-н заведующ Озаев Мандж, ах хѡѡч Аеев Бадм—эди бас шин гермұд бәрдж авцхав.

Сельсовет хәрұ, гарсн газрурн ирджәх хальмгудиг сән кевәр тосдж, альк тоот дугудунднъ орлцдж, бәәдг герәр теткв. Урчудин 6 бригад эн джил 44 гер хальмгудт бәрдж ѡгв, 43 гер тосхгддж бәәнә. Ода болхла хальмгудт гидж белдсн 157 минъгън боодг хулсн, 870 кубометр модн, 505 кубометр хадасн, 30 минъгън тоосх, 68 кубометр горбыль бәәнә. Тер тоот колхозин селәнә ѡслтд орлцдж, бас чигн шин зуугъад гермұд бәргдх болджана.

Колхозин селән ѡдр ирвәс ѡсәд, ѡргджәд, сәәхрәд, колхозникудин бәәдл-джиргълнъ улм-улмар ясрад йовна.

П. БАРДАКОВ,  
сельсоветин депутат.